

平陽府志

卷五
—
卷八

平陽府志卷之五

山川

古者國主山川，非但修祀事微庇佑而已，蓋亦因以爲表焉。於天下之中而有冀州，若《禹貢》所載，自壺口以下是其表也，於冀州之中而有平陽，於平陽之中而又有諸州縣。北起大岳，東連太行，南接中條，大河涵濤環繞西南，是爲一郡之表。其中山水支裔若姑射翠屏，平汾滄絳之屬，隨其邑境所有則又各自爲表。美哉！泱泱乎洵晉中一大奧區也。善乎！鄭夾漈之言曰：州縣之設有時而更，山川之形千古不易。《禹貢》：分州必以山川定疆界，故爲萬古不易之書。今倣其意，作山川志。

臨汾縣 附郭

姑射山城西三十五里。山有姑射、蓮花二洞，即莊子所謂藐姑射之。山有神人居焉，肌膚若冰雪，綽約若處子是也，神居洞即姑射洞。政和八年勅立。

九孔山城西三十五里姑射山前。九孔相通，深不可測。

平山城西南二十五里，即姑射之支也，平水出焉。《山海經》云：平山平水出於其上，

潛於其下，是多美玉。

浮山城東南三十里。相傳洪水橫流時，此山隨水消長。

卧虎山城東三十里。以形類名。

礮石山城西北五十里。山有石似礮。

漫天嶺城東北五十里。與龍角山東西相距。

汾 河城西二里。源出太原府靜樂縣。有二：一在管涔山天池，一在林溪山龍眼泉。至支鍋石村合流至寧化所五里。禹之孫昌寧公所定名。定河至縣西南流經樓煩鎮，歷交城、陽曲、太原、清源、文水、祁縣、平遙、介休、孝義、靈石、霍州、汾西、趙城、洪洞、臨汾、襄陵、太平、至絳州東，繞南門西流，過稷山、河津、榮河入於黃河，所經州縣多引為渠。《山海經》云：管涔之山，其下多玉，汾水出焉。由西南注河入皮氏南，秦之皮氏，今之河津也。

平 水出城西南平山下。東流至城西五里，名平湖。為居民上已游觀之所，又名晉水。流至襄陵北門外入汾。按《水經注》：汾水南與平水合，水平陽西壺口出，尚書所謂壺口也。其水東經狐谷亭北。春秋時翟侵晉取狐廚者也，又東經平陽城西入汾，俗以為晉水，非也。

金龍池出平山下，詳見水利。

潞 水出浮山烏嶺下。一名黑水，其傍有小澗合流至府城北高河，西入汾。

永利池城內西北，即蓮花池。周圍三百八十步，深五尺。

澧 泉城東南二十里東亢村。出於平地。相傳通濟源，周圍三畝六分，舊名深泉，金因其

不雅，易之曰亢，元又易曰澧。植蓮甚盛，池上有澧泉神祠，禱雨輒應。

黃蘆泉城東二十五里。源出卧虎山下。宋慶歷三年，知晉州軍事潘大博曾引入城中蓮池。後廢。

襄陵縣

卧龍山縣東南四十里，其巔有塔，一名崇山，又名太尖。隋時有千尺大蛇卧其上，故名卧龍神。廟前古松一株，大十餘圍，高百餘尺，扶疎如蓋，蔭可數畝。又古百一株內抱槐，亦大數圍，皆千百年物。其山東南接曲沃、翼城，北接臨汾、浮山，俱名分水嶺，東北亘長二十里。

姑射山縣西十二里三嶠山之北。見臨汾。

平山見臨汾。

龜山縣東三十五里卧龍山之北，突然高起以形肖。

三嶠山縣西南三十里。長九十餘里，巍然獨高，其形三嶠。

九龍山縣西南三十五里，三嶠山之南。其山脊有九曲。

盤龍山縣西南三十里。山勢盤繞，如游龍狀。

壽星山縣東南四十里，俗名南岱。

少石山龜山後。有石洞，相傳子房辟谷處，旁有黃石公祠。

焦石嶺縣西十七里。其石皆紫黃色，上有龍王祠，每禱輒應。

石牛嶺喬山東北支山。世傳李耳過此，牛卧地化石。今其石色青，形如牛。

龍泉頂崇山之支。高阜處有石泉，水味清冽，夏人日飲之不涸。

龍峪縣西南二十里。中有龍澍神祠，世傳曾有雙龍闕於此，謬也！土人讀為澍音，故名龍。

華池峪縣西十五里。中有石洞，遇歲旱滴水如珠，即雨。

仙人坡安李村西南。相傳赤脚大仙至此，遺迹今石上足迹深四寸許，俗呼為神仙脚。

白石坡縣西南三十五里。山徑崎嶇，人迹罕至。弘治間知縣李高開廣為大路，通隰州等處，商樵便之。

白崖趙曲東南。高阜處建文昌閣，地形陡峭，樹色蒼蔥，為鎮之文巒。

汾河縣東一里。見臨汾。

平水縣西北十五里。見臨汾。

三交水縣東南三十里。源出崇山，至興光村西合鄆、梁二水為三，波紋潏繞。

巢溪縣東南三十里。即三交水西注，至荆村入於汾。世傳巢父洗耳處，又名洗耳河。

石盆溝龍泉頂畔。巨石如盆形，內潔水常盈，人莫見其泉源，雖盛暑大旱不涸。潁水，旁有土阜，名箕山。

二郎溝縣南二十里，有二郎神祠及雲幽洞。邑人范晟有記。

八眼井縣西十八里薛村里。世傳趙宋時村人加姓賈姓者謀鑿井灌麻，忽白衣老人指之曰：離此西南一畝許可鑿。忽不見二人，遂於其地鑿井，無水再鑿，亦無。至八眼水方出，其七眼俱出焉，遂通流為八眼。

滿水井一在縣東南十里魚池村，一在縣東南四十里張相村。其水長溢流於外，夏月尤盛。

丹朱泉縣西南十五里景村。世傳丹朱插劍於此，拔而得水。

娥英泉縣西南十五里薛村里。世傳娥皇、女英游於此，泉東入汾。

灰泉縣北二里。泉底皆灰洶之不盡，其水清異常。

靈泉縣東深泉村。其泉平地湧出匯而為池，旱不乾，澇不溢。

飲虹澗縣南二十里。上有飛虹橋，下通二郎溝。邑人邢雷有記。

洪洞縣

九箕山縣東十三里。狀類箕，南向耆九，故名。亦名土山。

英山縣西二十五里團頭村西北。西望婁山，南連天石，上有娥皇、女英祠，因以名。

婁山縣西三十里婁村西南。北接趙城羅雲山，南對臨汾天石山。屹然孤秀，翠柏陰森，上建婁山神祠。

玉峰山縣北玉峰門外少東。山自九箕而來，回龍朝拱，廟貌巍峨，松柏蒼翠。東望霍岳，

西面汾川，南對洪崖，勝地也。

洪崖縣南安流門外一里許。高聳百尺，形若壁立，望之屹然。

寶崖縣東六七里秦壁村東北。四壁截然高聳，俯闢澗水中建廟宇，爽塏僻靜，孤柏插雲，邑稱勝景，修業者多聚焉。樵牧于此嘗獲寶錢，故名。明嘉靖二十年知縣楊九澤奉交築城堡于上，城與當稱足以捍御。

汾河縣西北拱汾門外二里許。臨河居民穿渠溉田，其利無幾，夏秋雨漲，兩岸良田崩沒，民甚苦之。舊河身不甚大，今七倍于昔，漸徙而東，去城伊邇，若伐石砌長厚大堤于河右，預為捍城計，其在賢司牧哉。

澗河縣南安流門外，發源岳陽縣，其源二：一出縣北安吉嶺，一出縣西北金堆里千佛溝西南。流至故岳楊村，二水相合經洪洞西流入汾。臨河居民多引溉田，夏秋雨漲逐年崩塌，臨崖地幾盡。弘治十七年河水浸塌城垣，知縣鄭選令義官張滿築堤獲之，長二百丈，高丈餘，後冲損。嘉靖二十二年知縣陳宗仁加修，砌石堅固倍昔，迄今賴焉。流至城西南角四曲三灣轉北，環城與汾水合流處仍作回轉。洪邑人文之盛蓋賴此云。

英泉縣西二十五里英山西南麓。水出石竇，深不盈尺，飲亦不竭，俗呼神泉。

無底泉在縣北八十里坊趙村。陰晦水濁，晴明水清，人溺入不沉故名。俗傳為海眼。

浮山縣

中條山縣東四十里。南通翼城東鳥嶺，北達岳陽草峪嶺，東支遙接沁源界，俗名橫嶺。

堯山縣東八里，即中條之西麓。巋然高出，上有帝堯廟、古柏數株，傳聞帝堯曾避於此，歷代碑記頗多，每四月二十八日有司詣山致祀。

天壇山縣東南五里。一名南堯山。由橫嶺蜿蜒而趨，乃堯山西南結聚處，突兀撐空，上有石壇三級，壇東有龍井又有真武廟，玉皇及太乙閣，為邑勝景。

司空山縣東南二十里原名風穴，因上建司空廟故云。其山腹內空虛，人經過行步有聲。傳聞其嶺有穴孔出風，樵牧者納衣其中，少頃即出。唐時有數虎為害，一異僧伏之。今山東北隅地名虎兒殿，見《玉兔寺記》。

鳴山縣南二十五里。南達銀洞，北接司空。每天欲雨，此山颯然先鳴。

龍角山縣南三十五里。東西二峰并峙雲表，舊名羊角山。唐武德間神人見此，更今名。下有穴，名珍珠洞，深不可測。東峰嶺有泉，曰華池，上建嘉澗侯左伯桃廟。西峰巔建孚佑將軍羊角哀廟。四有八日有司詣山致祀。

銀洞山縣東南四十里，西北達龍角。相傳舊有礦土人以銀洞呼之，其水南流達翼城界，名金河。

壺口山縣西南四十五里。一名蜀山。西接卧龍，東達龍角，涇滴水出其下，綿亘數十里。

月山縣西南二十里。南接卧龍，西距漫天嶺。

黑山縣北四十里，一名牛首，又名烏嶺，為中條之別支。《水經注》曰：黑水出黑山，西逕陽城，南又西與巢山水會。《山海注》曰：牛首之山，勞水出焉，西流注于潞水。

西左嶺縣西十五里。一名黃花嶺，以其地產芫花，故也。南距月山，西達郡城，橫亘十餘里，為本邑右臂。

秦王嶺縣北四十五里。唐太宗為秦王時，自太原而南破宋，老生於霍邑從霍山東分兵，詭道潛行至此，曾率游騎轉戰於百壁村，後人因立廟嶺上以祀之。又趙城、靈石、聞喜皆有秦王嶺。

北天壇山縣東北二十里。一名北堯廟，亦中條之別支也。山端有廟，柏樹業羅，氣象深秀。

佛嶺山縣東北三十里，即中條之右臂。去山僅數里，高敞清幽，上有祠并寺觀，為地勝境。

龍池二一在縣西二十里浮谷鄉之龍王廟；一在東南十五里之濟濟祠。

華池龍角山東峰之巔。武德間初建慶唐觀，苦無水，池水乃自流至觀前，工畢流止，遇旱禱雨輒應。

龍井天壇山南澗中有三：一東南，一正南，一西南。深不可測，天旱禱雨屢應，在西南者即今之龍泊是也。

南河縣南一里許。源出中條，自東南環城西北流。邑境無水利，獨此河流灌園圃至馬臺。會丞相河西入於汾，舊有蓮花池在河傍南坂坡下。今廢。

潞水河縣南二十里。源出壺口山，自西南來會龍角、司空二山水至交頭，河折而西流，經汧水殿合濟潰繞澗大義寺而北趨龍神溝，歷下寨橋入汾。唐時引此水及高粱水入百金泊溉田。諸葛河縣北六里。源出中條，經柏村合南王澗水西流為丞相河，至馬臺界與南河交會入汾。丞相河者，謂昔霍光之別墅也。

金水河縣西南三十五里。源出浮山下本邑趙家嶺之西溪也。土人有時於流沙中見金屑故名。北流至河裡莊，由下寨橋入汾。

楊村河縣北二十五里。發源中條，由唐葛柏壁村西流，經楊村與黑水合流入高粱達於汾。潞水河縣北四十里。源出烏嶺下，一名黑水。見臨汾。

永惠泉縣東四里。天壇山西麓土厚地高，居民乏水，鑿石引泉蓄於石窩中，取之不竭，民甚便焉，故名。

懸泉縣東北二十里。北天壇之西岩懸崖，涓滴鏗然有聲，宛若戛玉鳴珮匯流成澗，甘涼透骨，號曰清溪。西北流合於黑水。

趙城縣

霍山一名太岳，在霍州東南二十里。南接趙城，北跨靈石，東抵沁源，古為冀州之鎮。

今為中鎮。其東有峰，上圓名觀煙峰山，極高峻，形勢巍然迥出雲霄，上有五色花雙頭蛇。入山五里許有中鎮廟，靈應甚速，凡遇焚異，遣官奉祀，仍命有司例祭。《水經注》曰：岳廟甚靈，鳥雀不栖，其林猛虎常守，其庭又有靈泉，以供祭事。鼓動則泉流聲絕，則水竭。

羅雲山縣西四十里。嚴險巍峨，峰巒重疊，北接汾西，南連洪洞，西抵蒲縣。其山嘗有雲氣不時舒布于上，故名羅雲。舊有七佛峽寺，即雲岩也寺，後有小泉，味甚甘美，居人用之不窮。

明珠山羅雲山東北，近石明里。上有清真菴，山之西南溝中有龍泉寺。

秦王嶺縣南三十里。名秦王坡。

五女原縣北十五里。漫衍廣博為邑北屏。

汾河縣西。臨河居民多引灌田。見水利。

第一河以山溪衆水所宗，故名。源出七佛峽，流經蒲縣城西，至大寧縣界入黃河。

霍泉源出霍山之南。見水利。

馬跑泉廣勝寺北。范霍峪。

南小澗城南五里許，出霍山谷中。故屯南有龍王廟，凡有祈禱輒應，邑人呼為小澗龍王，西入汾河。

南大澗城南二十里，上紀落鎮南。出霍山青條谷中，上有大石橋，西入汾河。

舞羊澗城北十里，石明里南。山上有一小泉，時遇雨水，遂成大河，東入汾河。
轟轟澗城西十里，石明里北。水聲如雷，故名。源出汾西，流至本縣境東入汾河。

太平縣

姑射山縣西十五里。見臨汾。

九原山縣西南二十五里。晉大夫多葬其處，趙文子與叔譽觀于九原即此。

汾陽山縣南十里。汾水之陽故名。東西亘峙，為邑之南屏。

巴山縣東二十五里。有蘆葦懸生崖半，蔓延數尺，歷冬不凋，望之如藤蘿狀。

清濂洞縣西二十里，賈剛村西，即王道源仙化處。舊嘗禱雨于此。

桃花洞縣西北二十五里，蟠道村北。洞口桃一株，出自石中，其花先放，香艷異常。

照望峰縣西北二十五里，西安平西北，姑射山之巔，更深猶見日色，北曰神仙洞，甚迹猶存，南曰勝水泉，澄清如鑒，里人建廟于其上，亦一巨觀云。

太和洞縣西南十五里，即焦村。泉所出。

慈航洞縣西門外。

留雲洞縣東南十二里西毛溝。聯云：「遠挹千峰翠，平吞一水清」。

汾河縣東二十五里。由北而南入絳州界。

源泉縣北。源出景毛村，又潛流地中，至西郭村東復出。

龍谷水縣南三十五里南柴村，經絳州。《左傳》云：龍見絳郊，即此。

岳陽縣

霍山縣西北九十里。見趙城。

鳳凰山縣西北七十里。其形宛若鳴鳳昂霄，兩翅矯然。

尖陽山縣西北七十里。崇岡峭壁，旭日先照，故名。

雪白山縣北四十里。上多白石，望之若雪。

三綾山縣北五十里。三峰并峙，觚稜峻厲。

熬頭山縣北五十里。巉岩峻厲，形若熬頭。

蓮花山縣北七十里。七峰連峙，霍山之支也。

黨家山縣北九十里。霍山之支。

尹家山縣東六十里。

屏風山縣東四里。太行餘支。有虎踞龍盤之勢，一名卦榜山。

刁黃嶺縣東南一百五十里。

安吉嶺縣東北五十里，澗水發源。

洪門嶺縣東八十里。

東鄆嶺縣東南一百里。

草峪嶺縣東南七十里，路通潞安府。

龍頭崖縣北七十里。

滴水崖縣北七十里。

香爐崖縣北六十里。

鐘鈴崖縣北六十里。

滲水崖縣北六十里。大水勇流至此，忽乾。相傳神人以杖卓山，水遂透山而過，至趙城廣勝寺下有水涌出，即此水也。

仙洞崖縣北五十里，洞深不可測。

盛佛崖縣北五十里。

鐘樓崖縣北四十里。

沁河縣東北九十里。一出沁源縣西北綿山，一出沁源縣東北馬園溝，合流縣境內百餘里，東南入黃河。

蘭河縣北八十里。源出寶豐里，經流唐城、上縣等處，東南入沁河。

赤壁水縣北六十里。源出趙城縣霍山赤馬交，西南流二十里至漏崖潛入地中，過南三十里復出，合澗水。見一統志。

大澗水有二：一出境北安吉嶺，一出縣西北堆金里。俱西南流經洪洞縣入于汾。

神水縣北五十里。池水常滿，數百人飲之不竭，即經千日不取，亦不溢。

八十里川縣東一百六十里。源出長子縣發鳩山，西南流與沁水，合長八十里，故名。

聖泉縣東三里，東山之麓延慶觀。水出石中，羽士漱之，從石鯨噴吐，注觀中石渠，婉轉曲折，伏流三清殿下，至殿前流出，匯為二池，可以畜魚。

澤泉縣北二十五里。

馬跑泉縣北五十里。

曲沃縣

紫金山縣南十三里。東達太行，西極隄口，高五里，盤踞百里。古志雲產銅。今無。

絳山縣西南二十里，即紫金山脊尾。日夕光返照，如絳色故名。

四稜寨即紫金之巔，正對縣治。上有紫陽宮，宮側有風洞，深遠莫測。

青玉峽紫金山東，南北長二里許，東西兩崖對出，高數十仞。

郝家山明郝修已賜田處，修已常耕此，後服官清介。洪武間予田旌之。紫金故童山，獨此草樹茂密。

冰岩縣南十五里。紫金山半有泉，下注石崖，冬則凝而成冰，三四月猶存。與晉宮殿遙對，岩下有龍底泉。

喬山縣北四十里，太行之支也。山形陡峻故名。雙峰峙空，中連磴造，峰頭猶山麓也。

北壁萬仞徑絕。好事者鑿石梯之，僅容一身，上攀下踐，手足皆石，既躋四顧，群山皆斷，嶄然削成。南北可三四丈，東西少廣，有石室。一謂喬山以下有空洞，山覆于上如橋形，西麓有夢感泉，中峰有軒轅廟，遇旱禱者畢至，輒有片雲，止簷際即雨。歲久廟毀。石柱鐵瓦猶有存者。相傳葬黃帝衣冠於此云。

卧龍山縣東北四十五里。又名太尖山，乃太行支脉。舊志隋時有龍卧于此。

壩頭山其巔略坦。爾雅所謂上正章也。故名。峰側有石龕，似避世地。鐵鐘猶存。

汾河縣西八十里。見臨汾。

滄水縣南三里。源發太行山東烏嶺，經本縣河底、韓村等里，西流入于汾。

合水縣北二十里。源出太尖山，與溫泉諸水合流，西入于汾。

沸泉縣東南二十五里。源出絳縣，流入本縣景明村。《水經注》曰：俗謂之白水也。水出絳山東，至寒泉奮涌揚波北注，懸流奔壑十一許丈，青崖若點黛，素湍如委練。望之極為奇觀。

翼城縣

翔山縣東南十五里。舊府志作滄高山。《括地志》云：滄水出焉。通志作詳高山。《水經注》曰：滄水東出詳高山，亦曰河南山，又曰滄山。其形如鳥張翼，亦名翔翔，亦名翔奉山。今通名翔山。產銅鐵，前有灤將軍祠，下即灤泉。

羊角山 縣東北三十里。唐武德三年有吉善行者于羊角山下，見有白衣父老，曰：為吾語唐天子，吾為老君而祖也，詔以其地立廟。山有二峰，西北峰屬浮山，東南峰屬翼城，上有羊角哀左伯桃廟，開元十八年勅修。有水名華池，歲旱人多禱焉。

佛山 縣東七十里。滄水南源出焉。

八寶山 縣東北二十五里，有八峰。漢文帝時，河上翁隱此。今有河上翁堆。

七寶山 縣北二十五里，與八寶相對。

丹山 縣北二十里。出丹砂，雨後人多拾之。又曰丹陵，即丹朱封地，上有丹朱朝。

覆釜山 縣西北十五里，即縣西陵之首。蜿蜒而南，綿亘數十里，有介之推廟，俗呼小綿山。

蜀山 縣北三十里。相傳漢鄧通鑄錢處，爐迹尚存，每有拾銅與錢者。按文帝賜鄧通蜀嚴道銅山得自鑄錢。《括地志》云：在雅州榮經縣北三里。唐大歷中第五琦上言請于絳州汾陽銅源兩監，增置五爐，此其足矣。

石姑山 縣北四十里。其南有大石挺立故名。《舊志》云：昔有龍女至此，入石縫有草葉，似莎長四五尺，俗呼龍女髮，旱梳之則雨。山下有石如牙斧狀，又云龍女所弄。

天柱山 縣西北四十里。一名卧龍山，俗稱大尖山。界翼城、臨汾、襄陵、曲沃、浮山五縣。